

續修四庫全書

《續修四庫全書》編纂委員會編

續修四庫全書

上海古籍出版社

一五二五・集部・別集類

李文恭公遺集四十六卷行述一卷（奏議二十二卷、詩集八卷、文集十六卷）（詩集卷二至文集

卷十六）〔清〕李星沅撰

落帆樓文集二十四卷補遺一卷〔清〕沈 垚撰

李文恭公詩集卷二目錄

湘陰李星沅石梧著

男概
視編次

七言古詩

酒星歌贈芙蓉閣侍者

道鄉臺

汨羅江懷古

銀瓶曲

李文恭公詩集 卷二目錄

別鶴操

相思樹歌

題洞庭春泛圖

月夜偕內子笙愉對芙蓉小酌

宿辰州界亭驛

望滴水巖

焦桐吟寄蔡雲帆

過石埭諸峯

望武陵山

渝州得內子書

金碧山堂懷古

除夕舟中作

銀杏沱遇風

乞畫

送窮詞

月華篇 并引

李文恭公詩集 卷二目錄

益俗尙巫闍城內外號佛聲四時不絕余心厭之

作是詩也

裴公亭雙竹歌

冬夜聞大風作

燕山歌爲楊芝樵北征作並贈周荔腴

芝樵以風雪不欲行詩以速之

懊惱歌

寄羅芝麓

白沙洲遇雨

清浪灘放歌

書威武將軍羅公廷弼事後卽贈履平世職

新別離

寄湖北王筠亭柏心卽次其和潁州劉海樹太守

初雪用東坡韻之作

和海樹太守初雪再疊前韻

蔡七初秋歸自蜀中贈予長歌書此報之三疊前韻

李文恭公詩集 卷二目錄

三

蔡黃樓得仲兄魯巖書詩以誌喜并屬予和四疊

前韻

偕初秋伯仲登靖遠樓五疊前韻

黃樓惠刻印章以詩誌謝六疊前韻

題鄧容容少尹扁舟問字圖

鹿角守風

題賀虎師小照

懷朱二同木

晚泊高郵貞應祠寄題陶雲汀中丞師漕河禱冰

圖

西楚霸王墓

廖叟雲峯爲芷署治庖饌數載莫知其能畫也丙

戌冬仲蔡子琴少府給畫蘭竹二幅雲峯作山

水爲報其皴染頗得倪黃家法子異而詢之知

嘉慶初隨姜中丞晟平苗過此遂家焉暮年落

拓烹飪自備殆古之隱於屠釣者與爰書長歌

李文恭公詩集 卷二目錄

四

卽以索畫

芙蓉樓

長歌贈江次園

蜀漢故宮瓦硯歌爲朱四石禪作

城南訪郭芝畹遇大風雨作

停琴仵月小照

中秋偕笙榆觴月

芋香山館夜坐朋舊踵至合沅得八人倒用少陵

飲中八仙韻紀之

長至懷賀虎師勞辛咳

朱同木將之黔陽置酒爲別詩以贈之卽次前歲

皖江道中韻

和同木辰陽寄懷原韻

韓侯嶺

平陽望姑射山

南棧平懷李漢三制軍

李文恭公詩集

卷二目錄

五

洗墨池

和晏筠唐懷仙琴歌原韻

賀蘭山石硯歌爲鄧嶰雲制軍作

硯爲芸臺相國寄贈

書西山賑粥紀夢詩後

連州道中作卽題沈竹坪龍湫觀瀑圖

書韓武烈公傳後

題熊雨樓讀書延年圖

題彭棣樓前輩三十六灣釣月圖

晚泊喬口

題呂麗堂觀察射虎圖

熊羆嶺

李文恭公詩集

卷二目錄

六

李文恭公詩集卷二

七言古詩

酒星歌贈芙蓉閣侍者

大羅詠蕩開仙蹕水晶宮殿星如櫛青林幕幕朱鳥翔
軒轅右角旗飄出一朝東皇戲投壺瓊翠闌風吹玉女
藕絲裳照見肌膚似冰雪流霞酒進蒲萄卮酒星亦在
清都列酒星酒醉不辭酒戲向玉女鼓掌啞綠章封事
奏通明匆匆便作人天別十二城三千闕蘭膏香燼須

李文恭公詩集

卷二

七言古詩

一

史敬手折芙蓉辭玉京相思望斷瑤臺月飄泊寰川年
復年廿年不到蓬萊室華陽松無脂淮南桂無實蟠桃
碧藕不復陳麟脯羊珠何處乞空餘王母千歲觴龍頭
瀉出藍橋窟朝一斗吸白雲暮三升餽朱蜜青蓮仙人
釣鼈客玉井秋香種丹秫但願長醉不願醒醉時夢跨
蒼鸞謁重入天關汗漫游飛瓊與訂同心結花亦爲之
凋月亦爲之缺紫宮回首幾滄桑銀河流水聲鳴咽讀
君將進酒一闋思君把酒愁千疊酒原君所司莫笑我

道鄉臺

吾聞軒轅之臺一萬八千丈黃帝鑄鼎荆山上仙人杭
稻餐丹砂綵龍飛入開天閤又聞漢川之北杜康臺酒
香噴出流霞杯洞庭茫茫浸春色糟邱百尺霏紅埃竭
來訪古嶽山麓忽忽重尋宋儒躅衛颯曾爲漢庭遊李
斯又被秦廷逐天涯芳草路迢遙茅店雞聲不肯邀黃
葉黃花何處宿一江風雨夜瀟瀟山僧聞說高軒過列

李文恭公詩集

卷二

七言古詩

二

炬爭迎掃花坐與奴白飯馬青芻爲君沽酒畱君卧彼
此音塵世所望崇臺傑構凌蒼蒼秋風折戟埋銅雀春
雨吳江鎖鳳凰已矣哉法華不聽梵鐘撞濯纓人去空
滄浪祇今鼓棹湘江裏猶向靈山說道鄉

汨羅江懷古

君不見汨羅江水綠茫茫芙蓉泣露秋蘭香哀江南兮
魂不歸一聲啼鴉青穹荒我思公子荆之陽陽臺夢雨
迷巫襄美人嫋嫋來何暮玉虬纓帶驂翱翔采蘋蕪兮

爲室製芰荷兮爲裳遭回車兮蘅圃結同心兮蕙纓羌
令先路爲君導天地比壽日月光胡爲舞鷄驚斂鳳凰
鳩媒不好雄鳩藏徒令繁飾之陸離長佩之璆鏘攬茹
蕙兮掩涕霑余襟之浪浪我願從君精瓊糧繼馬闐風
浴扶桑我願隨君酌瓊漿遨遊天闕開天閭前有九疑
之英皇後有洛浦之明璫翠旌孔蓋紛總總赤水不到
流沙長靈之來兮雲飛揚靈之去兮神周章山阿山鬼
嘯秋雨秋風嫋嫋吹瀟湘

李文恭公詩集

卷二

七言古詩

三

銀瓶曲

銀瓶三尺沈睂井月明不見嫦娥影玉京人去悵青鸞
海棠秋淚紅香冷如今薄命不須愁花落東風逐水流
紫殿神仙千萬隊天孫偏要嫁癡牛

別鶴操

請君滿酌紅蒲萄高歌別鶴彈銀槽黃鶴雙飛隴西曲
秋風刷羽湘之臯朝亦同遊遼暮亦同遊遼艾如張兮
北山網冥冥暫借飛鴻逃海陽之山龍從高鱣溪溪水

生波濤欲往從之不識路千里萬里空嗷嗷漫天雪片
如花飄灑灑病壓松枝梢何日仙人賦招鶴重來並翼
凌丹霄

相思樹歌

昔聞鳳皇山上有相思樹紅心不死抱香生千枝萬葉
長依附東風吹綠上蘼蕪可憐春老江南路不見兔絲
與女蘿女蘿生長秋厓暮兔絲顛倒苦無情何處有花
何處住我欲采彼相思子連蜷種滿瀟湘渡淚拋紅豆

李文恭公詩集

卷二

七言古詩

四

泣珍珠月明搖亂春江絮

題洞庭春泛圖

洞庭之水春茫茫照耀日月金銀光中有仙人雲錦裳
片帆飛挂君山蒼重湖遼絕曷可量澎湃八百阻且長
襄陽欲濟徒徬徨月明垂釣歌滄浪天爲巨川作舟梁
蛟龍灑雨崑崙岡巖社清波探琳瑯曲江宴罷簪銀黃
郎官有酒酌一觴雙鳬南渡湘之陽偶爲安流駕艤艗
春漪漲碧荃橈香乾坤吳楚要熊荒江湖廊廟心皇皇

自來沅澧迴披猖潭州一葉飄慈航我亦龍門首昂藏
五年待渡津亭傍安得同舟與顏頤浩歌擊楫神飛揚
鴻毛萬里隨風翔赤城霞起搏扶桑

月夜偕內子笙愉對芙蓉小酌

對酒無花酒不香對花無酒花不光今宵花酒亦云樂
壁端明月生秋涼秋閑人意澹如許綺柱含顰嬌不語
風吹艷影入簾來天寒翠袖飄飄舉金尊攜到花深處
凭肩低語畱花住紅情一樣可憐生美人何苦傷遲暮

李文恭公詩集

卷二

七言古詩 五

花亦相逢似相識燕支醉彈釵鈿側癡郎生恐人如花
道花不及人顏色

宿辰州界亭驛

去年今夜湘城雨兩隊宮毬簇簫鼓紅裙圍著看新人
錦障花明仙珮舞今年今夜界亭眠斜月踟躕半榻禪
漁火江楓何處夢迴文想煞鯉魚箋一年離合情如此
明年消息知誰似兩地相思若箇深梅花香入幽房裏

望滴水岩

辰山百丈嵯峨立上有飛流傾石隙狀如黃河之水天
半來又如珠宮之泉龍噴出自日光皎皎忽聞驟雨聲
中間萬木陰崑崙豐鐘響答蛟鼉奔路人仰首皆帽落
藤蘿險絕不可捫巨靈鼉屨往不再何人手劈此奇怪
濡毫欲寫觀瀑圖天風吹我出雲外

焦桐吟寄蔡雲帆

焦桐爾何材造物苦妬忌既不能爲如何之木一樹千
葉花又不能爲仁壽之華亘天而拔地徒然抱此瑰奇

李文恭公詩集

卷二

七言古詩 六

資破壁荒苔自委棄澤國蛟龍噴不鳴羲皇琴瑟供樵
焚自分前席今已矣安望高山流水聞中郎當代英特
士絲竹清心發妙理一聲碎裂入君懷道是龍門百尺
之椅梓操以鳳尾譜金徽二十五絃彈玉指天風海濤
不肯藏贈之故人渡湘水湘水迢迢贈故人焦桐中夜
發清吟非嗟此曲聽者寡惜哉夫子吾知音星月皎皎
天闕明空堂掩抑如有情安得雲和奏帝廷併作簫韶
鸞鳳聲

過石塢諸峰

冬十二月天風來雪氛掃盡羣山開須臾捧出一輪日
丹光照耀金銀臺荆關畫手畫不得石塢之石何奇哉
不聞仙樂鳴乃見仙班集不登佛座高乃見佛衆立九
天上帝御紫宮翠旌孔蓋排虛空鸞凰欲下忽側翅拳
毛獅子蹲其中或障袂兮若玉女或振衣兮若靈童冠
裳冉冉降階際仰首屈膝難爲容正思清真之體幻如
此倏然又入伽藍叢前有聽經之伏虎後有說法之生
李文恭公詩集 卷二 七言古詩 七

望武陵山

昔聞武陵洞今見武陵山武陵之洞不可覓武陵之山
何可攀岡陵往復比如櫛一峰陡插青冥間峭壁摩空
勢子立石牙鱗錯苔花斑其道此山何突然當是飛猿

絕猱之族所往還日光照眼眼如炬觚稜隱起轟烟霧
正殿崔巍宛虹垂長廊廣廈相依附有僧居者百餘衆
終年不入城市路雞犬桑麻自有之何須遺慕秦人住
乃知山水于人間僻境往往生奇趣少文卧遊不能到
快哉我幸與此遇登陟無踪搔首望齋鐘響墮雲間樹
渝州得內子書

一百十日不見家中書中心養養涸水魚三月三日忽
得家人字失喜不問何來寄顛倒怪歎封緘牢鬢雲湧

出青天高閣中腕弱故多態數行秋蚓緣雕毫上言阿
母健餐飯下言嬰女啼棗餠白鹽赤米亦良苦孟光井
臼時能操惟聞渝城江水均苔衣蘚壁生春潮鳳羽瓊
枝擇所巢毋令風雨嗟漂搖我佩此言如瓊瑤細意慰
貼書迢迢隔窻鶯燕歡聲嘈似解離人空寂寥

金碧山堂懷古

君不聞漢朝金馬碧鷄精子淵祀之滇海行滇海故道
不經此咄嗟此山胡爲名有宋築臺雅好事明人重構

堂崢嶸當時賓從盛讌會安知華屋山邱情楹字模
不可讀一山高枕城之麓鳥啼花落幾經年但見萋萋
芳草綠偶攜尊酒陟其顛隔江雲樹森如束俯瞰恭州
十萬家魚鱗重疊層層屋炊烟四散月徐出風送妙香
衣麗最坐聽崇因寺裏鐘沈沈響度簷簷谷

除夕舟中作

去年守歲芙蓉城師弟情親陪笑語今年守歲荔枝園
扁舟坐與篙工侶何處焚香無甲煎何處迎春無臘鼓

李文恭公詩集

卷二

七言古詩

九

一年一渡印鴻泥如萍隨風葉墮雨歸裝細檢錦囊詩
百十三篇高幾許鏤山繪水何足云有時得意成機杼
屠蘇酒熟三酌之耗吾精神聊小補更闌燭炮酒興酣
雄心忽觸聞鷄舞男兒三十立功名我過今宵年廿五
學書學劍兩無成徒然下筆思千古 當時 聖人簡

賢俊多士鴻達刷毛羽胡爲兀兀窮年間雕蟲篆刻嚇
腐鼠君不聞昔日杜宗武傾倒豪吟示卒伍卒伍報之
以石斧曰斷女手女母苦毋令才名繼工部祭詩且復

戒作詩大聲告詩詩不許東屯人去幾千秋巫峽雲山
誰作主君歸一路索君詩春風明日涪江浦

銀杏沱遇風

颶母吹滂高丈許灘聲不怒風聲怒晝暝江天日月昏
舟撞石岸蛟鼉語漫空黃沙忽驚散須臾白面皆塵土
孤蓬危坐覺寒生客心夜度湘之浦

乞畫

大顛仙人安在哉苔痕剝落青松煤烟雲慘淡日無色

李文恭公詩集

卷二

七言古詩

十

百年生面誰重開先生生長江之涓浙湖清鏡資胚胎
偶然乘興作圖畫河聲嶽色飛空來堂堂窪徑尺擁巒嶂
銀潢秋瀉光皚皚墨池傾倒一萬斛乾坤形相須臾該
塗抹家頗負神妙對此下拜心膽摧我昔舟經灩澦堆
奔流格鬪車轟轟巨靈雙掌劈天半石頭壞挂雲容頽
陰岩月黑夜猿嘯吁嗟客子聞之哀慙無險語繪殊態
涪翁坡老相追陪千谿萬壑鬱胸臆磊塊全若山崔巍
安得先生爲我捉奇筆寫我破浪眠孤桅照以岷峨之

積雪走以巫峽之驚雷鋪以少陵之清簟酌以太白之
金杯淋漓元氣生荒齋我卧讀畫心徘徊撫琴動操衆
山響海濤一曲天風迴

送窮詞

咄嗟此窮胡爲哉使我少小擔塵埃路鬼揶揄婦人笑
壯士顏色如死灰光陰儻忽勢奔電春秋冬夏紛相催
一年三百六十日日日不得心懷開租人敦迫况除夕
倉皇避債登謔台點金仙術亦幻耳直須爛醉屠蘇杯
酒酣拔劍發狂叫升斗齷齪非奇才窮乎于我本秦越
若何終歲時追陪結柳車兮山之曲縛草船兮水之隈
更闌燭施誓逐客願爾窮鬼一去不復回

月華篇 壬午九月九日夜漏初下忽月輪如

抱珥雲氣翕戢成五色文凡三重圓廣二丈

許踰時始散作詩紀之

流雲吐月光熊熊秋天洗出金芙蓉一奩明鏡燭滄海
花葩狎獵圍玲瓏或云蟾蜍肆狡獪精靈虛氣當青空

李文恭公詩集

卷二

七言古詩

十一

之作是詩也

或云重輪暈遙夕譬彼蠅螬歌在東不然七寶修珠宮
手揮巨刃摩蒼穹珊瑚柯綻流霞紅不然仙人翔迴風
霓旌翠珮紛琤琮帷車照耀三千重我時邀月金杯中
仰天大笑真奇逢探懷試取謫仙筆比君藻采將毋同
安得此月化作五色新詩筒寫我長離婉婉之心胸

益俗尙巫闍城內外號佛聲四時不絕余心厭

青太白晝胡爲乎傾城號佛聲鳴鳴三百六旬有盡日

李文恭公詩集

卷二

七言古詩

十二

海波湧咒無時無故鬼已大新鬼小東家甫唱西家唱
雪山嵯峨一萬丈樹杈劍齒森肌膚幡幢左右結香蓋
中間說法尊浮屠和南梵唄不可辨如蠅逐臭鷹集枯
大爲鐘饒爲鼓鉞細爲鈴鐸爲笙竽爲金鑊鳴爲甲馬
陰愁嗽雜雲模糊晦休及月皓明動及日肝飢餐肉一
鬻渴飲酒一壺醉飽紛紛肆大嚼腥羶氣裂齋官厨寃
哉資陽鬼樂哉資陽巫鬼猶孑孑可餘瀝巫兮肥腩同
豪豬昌黎闍佛亦太勇此邦佞佛亦太誣縱橫遠近十

萬戶豈皆魍魎皆夔魍以鬼豢巫作慈孝子孫百世愚
中愚吳屬鏤魯僕姑我欲借彼刪禿奴焚巫備早大快
事臧孫刺刺真拘儒君不見祖事圖澄若石虎幼子世
立養子誅佛法到此夫何須

裴公亭雙竹歌

裴公亭枕山之麓中有三竿兩竿竹昨夜春雷捲地來
驚起籜龍上林屋狎霄百尺呈琅玕雙雙玉立森如束
天生風骨自峻嶒安肯埋頭效雌伏葛藟爭爲樛木榮
李文恭公詩集 卷二 七言古詩 十三
免絲喜作蓬麻附屈者竟屈伸者伸如君崛起亦罕遇
竹兮竹兮爾旣衝破烟樓生便須努力青雲路靄填雨
真會有時何日擎空並飛去

冬夜聞大風作

冬十一月雷無聲飛廉夜逐鞠車行長驅林木捲江海
半空蹴踏鼉龍驚時清列屋少劍戟胡爲金鐵鳴鏜錚
須臾陰森砭肌骨濃雲釀雪奇寒生我時擁衾對樺燭
爐然獸炭局重門俯思窮士敝廬處繩樞甕牖天光昏

一燈熒熒青欲炏捉襟襖裂相如禪當此朔風其迴薄
如蠅被凍無時溫顛得香山之裘億萬領徧人衣被聊
爲恩黃綿襖子青天出茆簷坐負扶桑暎

燕山歌爲楊芝樵北征作並贈周荔腴

燕山百丈生春風御溝溝雪霽冰初融鶯飛歷亂花滿樹
長安道上連青驄荔腴婉婉文中龍天人射策明光宮
旂旌直指四千里後車却喜芝樵同芝樵此行大不易
臨歧戒旦何匆匆憶從戊寅冬甫識芝樵面賤子呻吟

李文恭公詩集

卷二

七言古詩

十四

牀席間跳梁二豎來酣戰文魔戰北病魔雄性命危如
髮一綫新知握手貽靈方頓起膏肓藥瞑眈活我深于
升斗恩遂令死生同眷戀肝膽能追廉藺交嘯歌并結
曹劉宴何時尊酒不相隨何日晦明不相見一朝豪筆
走東川判袂河梁各愴然風流雲散別如雨思君愁上
巴人船狂吟拉雜一千字塗鴉寫盡烏蠻箋夔關重疊
忽飛度往往夢到西窓前飢羽倦游還故里倏離條合
雜悲喜更深剪燭話巴山淒涼夜雨情何已繫余徙宅

定王臺迺君賣藥城東市杏花開作兩家春晨夕論心
才尺咫倚裳連襪動經年自分此樂可常恃今年正月
月未圓別我蒼黃治行李三山縹緲神仙舟從之共渡
湘江水西登太華北薊門幽并客夜聞鷄起男兒三十
不得志詎甘窮餓伏井底又錢數米日零星坐令英雄
長已矣爭名爭利徒紛紜白眼晚之若傲屣何當薄觀
天子都尺五城排雲邇迤縱橫輦轂游公卿摩挲石碣
搜文史華陰道遇樊將軍蒲桃酒進邯鄲伎陋哉鄉曲
李文恭公詩集 卷二 七言古詩 五

田舍翁槐安婚宦微如蟻出門惘惘色可憐若斯壯遊
眞男子對君肯爲歧路悲送君臨發神徘徊如何一樹
結千影旃檀風過香吹開同時知己二三子雲龍角逐
天之涯瑤仙浪跡入嶺嶠花農旅食章江湄京江靜好
若處女邵陵壓線逢良媒朝朝送人暮送我資陽三度
尋鴻泥猶聞二酉秘圖籍健步欲躡青雲梯故人可望
不可卽鸞鳳泊長相思易水湯湯聞擊筑古來壯士
知者誰天生我輩豈碌碌不經盤錯非奇才鹽車齷齪

國麒麟長鳴伏扼何雄哉荔腴海上釣鰲客會須振策
登蓬萊君亦磊落不世出風塵物色當交推吁嗟乎風
塵物色當交推驅車碣石聲厯雷千秋市駿慕高義請
君待我黃金臺

芝樵以風雪不欲行詩以速之

江上孤蓬聲郭索正月冰花如雨落同雲四塞嚴寒生
獵獵茫茫浪交搏封姨古無情此舉頗不惡舟勢且前
忽且却榜人愁苦行人樂四日五日湘西門八日九日

李文恭公詩集

卷二

七言古詩

十六

形關泊征囊恐有富歸藥啟視將離轉相譖留君不住
送不去君輩多情甘受縛一別一長歌一歌再三和聽
唱驪駒登末座丈夫出門復入門欲行不行毋乃悞請
乘長風萬里游雪中我已袁安卧

悞惱歌

一樹海棠紅撲簌脂零粉墜東風毒花開花落自傷春
古今薄命同聲哭有女系出天水族芝田舊繞城南屋
阿爺生女不生男十一阿嬌艷妝束可憐併作掌中珠

垂老慰情良勝無教挽青雲上簪髻教裁明月施羅襦
鸚哥製曲拋紅豆龍女穿針刺綠芙姊妹花濃全盛日
門楣奕奕誇名姝就中第五最端好蕙質蘭心容窈窕
袖手羞稱薛女才畫眉懶鬥秦蛾巧長成漸與阿娘齊
隨娘中饋拚摘早米鹽薤韭日零星繡箔低垂偏了了
男生當冠女當笄射雀屏開中者誰那知仙窟藍橋女
却與長沙葱肆兒冰下傳辭太顛倒月中按簿多參差
坐遣拙鳩配靈鵲鴉鵲娘龍媼聞之悲女言忼慨明大義
李文恭公詩集 卷二 七言古詩 七

修蛾斂怨情纏綿搗杵親調湯鼎藥拔釵索備臬盧錢
往事分明不忍訴星冠月帔神悽然禪堂八百應真佛
一齊淚下如流泉吁嗟此恨難消歇鑄錯枉聚六州鍊
昔時美貝重連城今日污泥空獨活我攜懊惱歌問天
天亦沈吟語不發爲報人間選壻家雙睛早借金篦刮
寄羅芝麓

君歸我歸同日夕我館適寓君東壁一過君廬一訪君
促坐呼燈談笑劇阿姨重我姻婭親數奉酒殺列前席
李文恭公詩集 卷二 七言古詩 十八

君酌大斗我拍浮顛倒不知誰主客六街宵柝逐人歸
往往杯盤任狼籍連年聚散無常期巴山楚水長相憶
二喬各御人中龍功名豈屑論瑜策來日之日不可知
去日之日良可惜眼前真樂快追歡競與鴻光鬪標格
他時倘寫耕鋤圖著我橫吹牛背笛

白沙洲遇雨

行子出門三十里白沙洲前風驟起西風雄敵南風雌
雄雌格鬪湘江水轟雷走電掣金條濃雲盛雨豪無底

始猶蜺纒鳴飛泉漸次礪滂激流矢遠村近岸不見人
烟樹微茫暮如紙是時六月火未流瞳矓赤日蛟宮愁
望雨初同歲大旱苦雨宛學南冠囚蓬窻點滴飢忽破
補石無計媧皇求熱氣下降濕氣上鯉魚腥過江中流
蝸黏蜩縮坐屏息家門咫尺不可留此時阿母倚閭望
宛兮何處維扁舟

清浪灘放歌

昔聞清浪灘水惡今日上灘水暴作北河一綫走漳江

李文恭公詩集

卷二

七言古詩

十九

黃流遠從雌鳳落前波未伏後波掀沙礫當關怒相搏
入九纜師背負之長年捩舵愁力弱舟勢斜舉忽顛揚
舟人茹荼交咋愕我心戒臨淵涉險敢云樂所見非所
聞舊游尙如昨夔江日月巴江雷黃牛白狗灩澦堆巨
壑黝深環雲塞雪浪突起山崔巍習坎入坎不可上石
牙吐漩盤渦開負嶠之夫動干指朔風吹面如死灰嚴
寒袒臂奮全力鼓鼙聲啞金聲哀子官漕歎行路噫
吁蜀道何艱哉山不登太行孰云恒霍皆尋常水不涸

岷陽孰云齷齪如馬當當世少見自多怪斯水亦令駭
望洋試遣天吳移入峽冕旒羅拜江之王諸男執蒲子
執穀最後羔雁隨頡頏往日侈然尊大狀至茲俯首形
神僵造物位置無二理有幸不幸乃如此辰河南接滇
黔區往來達官若鱗比微名附驥速置郵遂令奇境得
專美惜乎邵陵大汴河五十三灘險無底爲之先者罕
傳人斷港絕潢不屑齒濟川志在作舟楫將乘長風破
萬里區區清浪一笑過始知觀海難爲水

李文恭公詩集

卷二

七言古詩

二十

書威武將軍羅公

廷弼

事後卽贈履平世職

快哉將軍奇男子直以馬革裹屍死當死而死死猶生
忠魂毅魄垂青史大星隕天廿八年光芒耿耿如昨耳
英姿想像酣戰時拔劍斫地雜悲喜秦川古來戈馬場
賀蘭綿亘千萬里邊沙吹面陣雲霾陰山么醜紛如蟻
輪蹄蹴踏塞草枯蔓延隴豫烽烟起官軍銜枚捲帳來
賊軍鋌走靈州里靈州險要一夫當鵠鷗亂叫羣鴟張
驍騎所向自空濶桃花雨濺紅絲疆縱橫轉刃掣飛電

川嶽震撼雷霆碾土門冲前鼓聲怒將帥豈惜傷重傷
獨嗟餘寇未殄滅解鞍血淚流浪浪以心許 國身報
國赤膽斗大死不僵兜鍪鏤狀神立靈威遠鎮青
海疆我 朝勤事有特典勅書姓字標旂常翩翩公子
羽林彥承 恩列戟辰山陽座間捧出雙手帶鵲膏淬
水磨秋霜營門出入一片雪金精閃爍騰西方至今月
黑聞鬼哭龍身倚壁猶昂藏時清天漢洗兵甲會須珠
玉絨戎裝貂蟬累葉世臣後佩刀許作三公王

李文恭公詩集

卷二

七言古詩

三

新別離

月出照君來月落催君去君來妾慙見君遲君去妾悔
見君誤不如不見不相親秋宵却免嫦娥妒雲愁海思
各天涯送君望斷江千樹楊枝蕭瑟柳枝殘幾度挽君
君不住山風吹放馬纓花又繫青驄宿何處

寄湖北王筠亭

柏心

卽次其和潁州劉海樹

詞

太守初雪用東坡韻之作

日暮西風戰霜葉愁坐空山陰欲雪蔡十持書造我廬

仰天大笑冠纓絕酒酣斫地歌莫哀王郎王郎我心折
太阿三尺秋蓮花淬水磨星光不滅怒挽重湖滌胃腸
蛟人泣訴老龍掣擎舟南望岳陽樓樓角雲封散冰纈
豪吟却和潁州守兔管縱橫亂霏屑歐蘇以後無此詩
七百餘年驚電瞥古往今來難合併離緒茫茫那堪說
將軍臨水彈琵琶波心躍出裝寶鐵

和海樹太守初雪再疊前韻

畫意偃寒逗蕉葉綠天破碎捲晴雪中有仙人披羽衣

李文恭公詩集

卷二

七言古詩

三

細嚼清香夢幽絕潁州官閣花初開夜深卧聽修竹折
檐鈴撲刺搏沙飛故風搖燈欲滅須臾放筆歌陽春
滕六旁喋不得掣燭龍銜耀照崑山冰綃凍裂水紋纈
藐姑顙首玉女笑紙上瓊英落騷屑星移物換幾作者
茲堂主客去如瞥六一弟子今重來韻事竊比項斯說
手攜翠袖浮太白振笛橫吹三尺纈

蔡七紉秋歸自蜀中贈予長歌書此報之三疊

前韻